


TEZAUUR LITURGIC
23 MARTIE

ACATISTUL
SF. MUCENIC
VASILE
DE LA
MANGAZIA



MOSCOVA, 2000



Акафист

СВЯТОМУ МУЧЕНИКУ

Василию Мангазейскому

Кондак 1

Возбранный чудотворче и мучениче пресветлый, данный Христом православным людям, в Сибирь пришедшим, державу Российскую укрепляти и просвещати языческие народы, ты же имея дерзновение ко Господу, подавай нам силы духовные и телесные в Православии твердо стояти, и землю северную Евангельским словом согривати, да вси зовем ти: Радуйся, мучениче Василие, первый сибирский чудотворче.

Икос 1

Ангельскому житию подражая, Василие, яко мученик Христов в Анкире, соблювший в себе веру Христову и в торжестве веры достигший вечного упокоения, ему же тезоименит сый. Пред языческими народы веру христианскую

исповедав без страха, яко апостол лютую смерть приял еси. Мы же благодарно поем ти:

Радуйся, от рождения благодатию Духа Святаго осененный.

Радуйся, с младенчества благочестию наученный.

Радуйся, с младых лет слово Божие познавший.

Радуйся, с колыбели молитву возлюбивый.

Радуйся, в землю Сибирскую пришедый.

Радуйся, прилежанием и честностию любовь людей стяжавый.

Радуйся, смерть лютую принявший.

Радуйся, имя христианское бесчестием не запятнавший.

Радуйся, за страдания Богом прославленный.

Радуйся, любовью христиан и язычников не оставленный.

Радуйся, от болезней исцеляющий.

Радуйся, в делах добрых помогающий.

Радуйся, мучениче Василие, первый сибирский чудотворче.

Кондак 2

В благодатном граде Ярославле, богатом Божиими угодниками и святыми церквами, вырос сын благочестивого Феодора. При крещении монах по имени Василий, принимая от купели младенца, заповедал ему: молись о всех нас Святей Троице. Мы же провидению таковому дивясь, поем во умилении: Аллилуия.

Икос 2

Разум, озаренный благодатию Христовой, имел еси и из млада беспрестанно пети и славословити Триипостасного Бога навыкл святе Василие; кроткий, родителям послушный, прилежно вел еси дела купеческие, душею же в Горнем пребывая. Мы же, взирая на благочестивое смирение твое, поем таковая:

Радуйся, от юности Богом избранный.

Радуйся, надмирную жизнь возлюбивый.

Радуйся, достодолжно родителей
почитающий.

Радуйся, Божии заповеди свято
исполняющий.

Радуйся, трудолюбием исполненный.

Радуйся, богатым разумением отмеченный.

Радуйся, от млада благодатию Божиею покровенный.

Радуйся, смирением дар молитвы стяжавый.

Радуйся, все время в богомыслии проводящий.

Радуйся, в Церкви Божией родной дом находящий.

Радуйся, чистотою украшенный.

Радуйся, силою веры укрепленный.

Радуйся, мучениче Василие, первый сибирский чудотворче.

Кондак 3

От града Ярославля Божиим смотрением в страну Сибирскую пришел еси и всею праведною жизнью Христа проповедал еси. За чистоту душевную пострадал от лютого врага, распалением и немилосердием господина своего. Но чист совестью, предал себя Богови. Мы же, чтущие честную память твою, воспеваем: Аллилуия.

Икос 3

Имея в сердце благодать Святыя Троицы, все тяготы и истязания претерпел еси глаголя: люты убо настоящие муки, но радост на жизнь вечная. По смерти тело твое честное в тинное место мучители ввергли еси. Мы же ныне славим тя, источающего исцеления и чудесы от честнаго гроба твоего, поя таковая:

Радуйся, прехвальный страстотерпче.

Радуйся, приемый венец страдания от Всехвладыки.

Радуйся, целомудрия зеркало.

Радуйся, благочестия образ.

Радуйся, истину возлюбивший.

Радуйся, проливший кровь с душою чистою и неповинною.

Радуйся, исповедниче веры во Христа непоколебимый.

Радуйся, воине Христов диавола гордыню низложивый.

Радуйся, в руце Господу дух свой предложивый.

Радуйся, по страданию твою душею к Богу возлетевый.

Радуйся, со Ангелы духовно торжествуяй.

Радуйся, бессмертия ризою одеявся.

Радуйся, мучениче Василие, первый сибирский чудотворче.

Кондак 4

Венчавшего ты мученическим венцем на небеси, Божиим промыслом повеле земли самой от недр твой гроб, тело и срачицу, обагренную кровию, обрести нетленно. Люди мангазейские первые, видя чудеса исцелений от святых мощей, прославиша память твою пресветлую, поя: Аллилуия.

Икос 4

Растрезали мучители чистую плоть твою, смерть страдальческую устроиша, но душа твоя в руке Божией, и многострадальное тело твое прославися чудес множеством, мы же, славя Бога, устроившего хотения Своя во святых Своих, поем сице:

Радуйся, неповинный страдальче.

Радуйся, друг Христовы кротости.

Радуйся, источник милости.

Радуйся, презиратель тленного богатства.

Радуйся, болезней целитель готовнейший.

Радуйся, раздаятель от Бога милостей.

Радуйся, душу свою спасти призрел еси.

Радуйся, не убоявшийся своих мучителей.

Радуйся, житие твое благочестно скончавый.

Радуйся, славу небесную познавый.

Радуйся, обретый безстрастием своим свободу.

Радуйся, приводящий нас к Богу.

Радуйся, мучениче Василие, первый сибирский чудотворче.

Кондак 5

Восхоте Господь на Енисее в Туруханске во обители Святыя Троицы драгоценные мощи нового чудотворца упокоити, сущим настоятелем блаженным Тихоном ти принесошася и монаси тому возрадовашеся и восхвалиша Бога, поюще: Аллилуия.

Икос 5

Мира всякаго благоприятие память твоя
явися, место бо идеже почиваеши мысль
человеческую к свету спасения воистину
наставляет, сладостен и труд к тебе подъяти
видися за надежду приятия милости изобилуеши
бо дарованьми от Христа, братия же,
предстоящая твоему честному гробу, составльше
лик радостно поет:

Радуйся, мучениче Христов непоколебимый.

Радуйся, грозного прещения не убоявыйся.

Радуйся, яко Ангел на земли воистину пожил
еси.

Радуйся, о убивающих ти молился еси.

Радуйся, победивший искушения силою
крестною.

Радуйся, наслаждающийся благодатию жизни
вечныя.

Радуйся, зарелучных чудес подателю.

Радуйся, места пребывания честных мощей
твоих хранителю.

Радуйся, просящим скорый помощниче.

Радуйся, обиженных защитниче.

Радуйся, в языческих краях православного
жития утверждение.

Радуйся, Сибирстей земли прославление.

Радуйся, мучениче Василие, первый
сибирский чудотворче.

Кондак 6

Просвятися Божественною благодатию,
Боголюбче, в целомудрии и терпении течение
свое мученически скончал еси, тем же и по
смерти яви светлость жития твоего, источаеши
бо чудесы, с верою приходящим к раце честных
мощей твоих вопиющим: Аллилуия.

Икос 6

Днесь обитель Туруханская торжествует, и
любящие воспевают страдания твоя, имиже
купил еси бисер Царства Небесного.
Торжествующе ныне в Горнем Иерусалиме
идеже нет вовек скорбного наваждения, но
присно радость и венцы сияют почести. С
веселием суще благоговейно вопием ти:

Радуйся, от юности ярем благий понесл еси.

Радуйся, блаженства Христова исполненный.

Радуйся, Красноярския земли прозябение.

Радуйся, Сибирской страны приношение.
Радуйся, всея Руси молитвенниче.
Радуйся, в бедах сущим скорый помощниче.
Радуйся, лампадо пред Богом неугасимая.
Радуйся, теплый о нас ко Христу ходатаю.
Радуйся, шторма и бури утишающий.
Радуйся, пожары угасающий.
Радуйся, странником путь указующий.
Радуйся, болезней язвы врачующий.

Радуйся, мучениче Василие, первый
сибирский чудотворче.

Кондак 7

Неоскверненною исперва ризу крещения
соблюл еси, мужески вшедши в подвиг судища.
Терзание красного девственного тела претерпел
еси Христов страдальче неповинный. Блаженны
изгнанные правды ради, яко тех есть Царство
Небесное. Мы же, вспоминая сей превечный
глагол, поем: Аллилуия.

Икос 7

Юноша лет своих и верный раб Бога Вечного,
истинной Церкви Православной сын явися,

срасленный бых смерти Христовой, со Ангелы
веселится ныне в Церкви вечно
торжествующей. Мы же, имея такового нашего
ходатая ко спасению, поем сице:

Радуйся, за добродетели Богом избранный.

Радуйся, Воскресения Христова
божественной благодатию осиянный.

Радуйся, врага смирением сокрушающий.

Радуйся, его любовью побеждающий.

Радуйся, светлая звезда, последовавшая в
кротости Христу - Солнцу правды.

Радуйся, успения превечного наслаждение.

Радуйся, от Христа венец вечной красоты
принимающий.

Радуйся, богоугодной жизнью путь к
почестям небесным показующий.

Радуйся, яко Церкви Христовой имя твое
досточестно.

Радуйся, яко всем христианом память твоя
сладше пчелиного сота.

Радуйся, присно живой страстотерпче
радостный.

Радуйся, подвигом своим христиан
возвеселивый.

Радуйся, мучениче Василие, первый
сибирский чудотворче.

Кондак 8

Благоуханное миро, аще и прилежно
сокрываемо бывает, обаче за благоухание
утаитися не может, аще и изнесены мощи твои
от славы, Христов мученик, и покровенны в
земли, обаче утаитися не могут, чудес лучи
испускающие с верою приходящим к тебе и
поющим: Аллилуия.

Икос 8

Неистовствует неверие в неких, но сие
большую веру сотворяет ведущим тя, Христов
мученик, в пренесении во обитель Святыя
Троицы честных мощей твоих дарованием тем
исцелений и чудес. Мы же, вспоминая чудеса
твоя и исцеления, восклицаем таковая:

Радуйся, слепых прозрение.

Радуйся, расслабленных укрепление.

Радуйся, от болезней душевных исцеление.

Радуйся, страшных ран заживление.

Радуйся, от соблазнов греха уводящий.

Радуйся, унывающих ободряющий.

Радуйся, охотников помощниче.

Радуйся, по водам плавающих защитниче.

Радуйся, младенцев вразумление.

Радуйся, обиженным заступление.

Радуйся, монахов наставляющий.

Радуйся, из далече молящихся спасающий.

Радуйся, мучениче Василие, первый сибирский чудотворче.

Кондак 9

Кротостию и любовью стяжав в сердце своем Духа Святаго, ты по внушению Его поревновал подвизатися за имя Христово, даже до смерти стоя мужественно в вере. Мы же, взирающе на праведное житие твое и на твердое веры православныя исповедание, вопием ти: Аллилуия.

Икос 9

Яко пресветлое солнце, воссиял еси чудесы своими в Сибирстей стране, мира благоприятие память твоя явися, в место бо идеже почиваеши

приходят все языки ея православием
просвященные, хотя имети ты ходатая к Богу во
спасение, тако взывая:

Радуйся, страсотерпче в мужестве
неодаленный.

Радуйся, рая небеснаго всеблаженный.

Радуйся, Нераздельней Троицы
проповедниче.

Радуйся, страданием Ея запечатлеша.

Радуйся, отроков наставниче.

Радуйся, старцев утешение.

Радуйся, жизнью праведной среди инородцев
православие прославивший.

Радуйся, помощью им чудесною Бога
восславивший.

Радуйся, леств идольскую разгоняющий.

Радуйся, паству Церковную умножающий.

Радуйся, всех притекающих к тебе
дерзновенными молитвами своими
охраняющий.

Радуйся, благодати Христовой богатство им
открывающий.

Радуйся, мучениче Василие, первый сибирский чудотворче.

Кондак 10

Постыдеса гордый враг твердою на земле страстотерпца Богу верою, но невозможе и по смерти запяти добродетели твои и имя твое, помрачити повреждением всечестнаго тела, ибо Господь, творяй чудеса, прослави угодника своего и мы же дивяся им, поем: Аллилуия.

Икос 10

Дивен у Бога во святых блаженств вечных чин исполнивших, и мы тя по достоянию восхвалити не имея силы, ибо победоносная глава твоя небоплетенным венцем венчася от Христа, но чтущие любовию память дерзаем похвальная воспети таковая:

Радуйся, духовный покровителю земли Сибирстей.

Радуйся, объединивший всех в ней живущих.

Радуйся, жизнью и смертью слово Евангельское проповедовавший.

Радуйся, христианские добродетели нам заповедавший.

Радуйся, научающий нас любви и прощению.

Радуйся, не убоявшийся злого прещения.

Радуйся, сокровище целомудрия.

Радуйся, чистоты сердца хранителю.

Радуйся, вечно Богу предстоящий.

Радуйся, нас непрестанной молитве учащий.

Радуйся, неповинный страдальче ради правды Христовой.

Радуйся, всегда предстать пред Богом готовый.

Радуйся, мучениче Василие, первый сибирский чудотворче.

Кондак 11

Тяжек удел смерти невинного юноши и кончина страдальца оного, ни одним житейским воздыханием, ни одной слезой обиды на ярость обидчика не орошенная. Но Отец Небесный на невинного страдальца свыше взирая, не дал праведному познати исления и мы видя таковая, благодаряще поем Богу: Аллилуия.

Икос 11

Благоволением Всесильного в Троице славимого Бога и чудесным внушением самого страстотерпца Божия, многоцелебные мощи его во обители Пресвятыя Троицы, аможе притекают христолюбивые людие определены пребывати, да мы молящиеся об избавлении от недугов и скорбей, прославляя мученика, сице взываем:

Радуйся, козни вражия и наветы злых человек смиренно понесший.

Радуйся, венец вечныя красоты тем у Бога снискавший.

Радуйся, преданный судии жестокому на истязание.

Радуйся, стойко переносивший страдания.

Радуйся, всемогущую силу благодати Христовой познавший.

Радуйся, мученическим подвигом Богу угодивый.

Радуйся, погребения своего тайну возвестивый.

Радуйся, при обретении тела нетленным явивыйся.

Радуйся, в сонях свое имя открывый.

Радуйся, место пребывания своих мощей сам избравый.

Радуйся, монахов смирению великий учителю.

Радуйся, Туруханския обители и всея Сибири небесный покровителю.

Радуйся, мучениче Василие, первый сибирский чудотворче.

Кондак 12

Воистину благодати сосуд избранный был еси мучениче Василие, тление временного жития сего все презрев, Единому Христу навечно прилепился еси и тем сподобился со Ангелы воспевати Богу: Аллилуия.

Икос 12

Поюще твое преславное преставление, прославляем равноангельное житие и мученическую кончину и почитая святую память твою, во умилении сердец славим,

хвалим и величаем возвеличившаго тя Господа,
Егоже умоли спастися всем, поющим таковая:

Радуйся, страстотерпче предивный.

Радуйся, со мучениками Христу
поклоняющийся.

Радуйся, поношения и гонения Христа ради
претерпевый.

Радуйся, мзду на небесех получивый.

Радуйся, перевозванный в Сибирские пределы
угодниче Христов.

Радуйся, русским первопроходцам в трудах
помощниче.

Радуйся, православия в дальних землях
утверждение.

Радуйся, новых северных храмов
православных умножение.

Радуйся, язычников благодатию истинной
веры просвещающий.

Радуйся, Евангельским смыслом жития всех
верных наполняющий.

Радуйся, благодатию Святаго Духа одеянный.

Радуйся, яко светильник православныя веры
со святыми ликовствуеши.

Радуйся, мучениче Василие, первый сибирский чудотворче.

Кондак 13

О преславный страстотерпче и мучениче Христов Василие! Прими малое моление сие наше у престола Всевышняго, идежи стоиши ныне. Испроси стране нашей православия утверждение, всем нам мира и благоденствия, и своим пред Богом ходатайством избави нас вечныя муки и геены огненныя, просвети нас верою, согрей сердца наши любовью и научи беспрестанно молитися и пети Богу: Аллилуия (трижды).

Сей кондак глаголи трижды. И паки чтется 1-й икос: Ангельскому житию. И паки кондак 1-й: Возбранный чудотворче.

Молитва

О святыи мучениче Христов Василие, радости святых единосельниче, наших скорбей и печалей пременителю и всякаго зла демонскаго губителю, припадая, молим ти ся: приди в заступление наше, яко да очистится ум наш от деяний греховных, понеже лишаемся за сие благодати Божией и не имеем тверда основания

к покаянию. Дажь нам умиление душевное и слезы грехоомывательныя, воздежи руке твоя святыя за убогие наши души ко Господу Иисусу Христу, не остави нас, грешных, ради нашего невоздержания, укрепи нас бедствующим душевными помыслы и внешними обуреваниим, имиже сами себе вина бываем, или от ненавидящих нас вправду, но вся по грехом нашим праведно быти исповедуем. Буди нам, малодушным, покровитель и поборник благ и милостив, присещай нас, грешных, в скорбех и печалех и сохраняй от всякаго смущения противнаго, да не когда прогневаем Бога нашего и тебе сомолебника нашего благаго, но утверди нас молитвами твоими в страсе Божии и достойна покажи своея всегда милости да наследуем блага вечныя в Царствии Небесном у Спасителя и Господа нашего Иисуса Христа, Ему же подобает слава, честь и поклонение во веки веков. Аминь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

**НОВОЕ
НЕБО**